

Kultureqarnermut, Ilanniartitaanermut, Ilisimatusarnermut Ilageeqarnermullu Naalakkersuisoq  
Medlem af Naalakkersuisut for Kultur, Uddannelse, Forskning og Kirke

Inatsisartunut ilaasortaq  
Malik Berthelsen



Siumut

18. november 2009  
Sags nr. 2007-003194  
Dok.nr. 266280

**§ 36 apeqqummut meeqqat atuarfianni tuluttut ilinniartitsisut pillugit  
Tunngasumut akissut**

Postboks 1029  
3900 Nuuk  
Tlf: +299 345000  
Fax: +299 322073  
Email: kiiip@gh.gl

Naalakkersuisut qutsavigerusuppaat Inatsisartunut ilaasortaq Malik Berthelsen, Siumut, meeqqat atuarfianni tuluttut ilinniartitsisut pillugit apeqqutaanut.

**Akissut apeqqummut uunga: "Meeqqat atuarfiini tuluttut ilinniartitsi-sinnaasut qanoq amerlatigisut amigaatigineqarpat?"**

Januarip aallaqqaatani 2001-imi ilinniartitsisunik atorfinititsisarneq komunitit ingerlanneqalerata kingunerisaanik KANUKOKA ukiut tamaasa nalunaarsuisalerpoq ilaatigut ilinniartitsisut amerlassusissaannik aamma illoqarfinni nunaqarfinnilu atuarfinni ilinniartitsisutut atorfinitittunik. Ukioq atuarfusoq 2007/08 katillugit ilinniartitsisutut atorfift 1.257-iupput. Ataatsimut isigalugu ukiumut siulianut naleqqiullugu ukiumi atuarfiusumi 2007/08-mi ilinniartitsisut 53-nik amerlanerusut atorfinitinsineqarput. Illoqarfinni atuarfinni ilinniartitsisut 42-nik amerlipput nunaqarfinnilu atuarfinni aqqanilinnik amerlillutik.

KANUKOKA statistikiutimini fagini ataasiakkaani ilinniartitsisunik amigaataasunik nalunaarsugaateqanngilaq soorlu tuluttut, kalaallisut, qallunaat matematikkimilu. Statistikki taamaattoq aallartinneqassappat tamanna alattuilluni misissuinermik annertuumik malitseqassaaq.

Meeqqat atuarfianni ilinniartitsisut atorfefqarput nunanit assigiinngitsunit ilinniartitsisutut assigiinngitsunik ilinniagaqartuusut assigiinngitsunillu imaqaqtunik. Meeqqat atuarfiini taamaattumik naammattuugassaassapput

ilinniartitsisut immikkut ilinniagaralugu tuluttut atuartitsisartunik, allallu immikkut ilinniagarinagu tuluttut atuartitsisartut, allatigulli oqaatsitigut piginnaassuseqartut. Ilinniartitsisoqassaarlu aamma piginnaassutsit pisari-aqartut piginngikkaluarlugit tuluttut atuartitsisartut ulluinnarnilu atuartitsinermi atuakkanik ilinniusianik atuartitsinissamullu ilitsersuutinik ikorfartuu-teqarlutik atuartitsisartunik.

Nuannaarutigalugu ilisimatitsissutigisinnaavara Ilinniarfissuup rektoria na-lunaaruteqarmat ukiuni kingulliunerusuni ilinniartitsisunngorniarlutik ilinniartut akornanni tuluttut immikkut ittumik fageqarusullutik soqutiginnittut amerliartortut.

**Akissut apeqqummut uunga: " Tamatumunnga ajornartorsiuq qanoq iliorluni qaangerniarneqarpa?**

Assigiinngitsunit suliniutigineqarpoq Kalaallit Nunaata avataaneersunik ilinniartitsisunik piukkunnartunik pissarsiornissaq.

Iliuutsit assersuutigalugu makkuupput:

- Danmarkimi pikkorissarnerit, saqqummiussinerit aamma ilinniartitsisussarsiornerit
- Nunanit allanit ilinniartitsisutut soraarummeernerit ataavartumik akuersaarnerat.
- Aqutsisussarsiornermi ilinniartitsisussarsiornermilu avataaniit siunnersorteqtarneq (efterskolinut)
- 2007-miit 2009-mut Joint Committeep ataani Inerisaaviup aamma Danmarkimi Den amerikanske Ambassadep suleqatigiinnerat

Naalakkersuisut nalilerpaat Inatsisartuni mianerisariaqaripput meeqqat atu-afiata nutaanik amerlanerusunillu suliassaqartilernissaa, soorlu 1. klassimiit tuluttoortitsisarnissaq, tassa maannakkut ilinniartitsisutut atorfiiit inuttaler-sorniarlugit kommunit ajornakusoortitsinerat atuutsillugu.

Ilutigalugu aamma oqaatigineqassaaq meeqqat oqaatsinik ilitsoqqussanik atuarsinnaallutillu allassinnaalereersimasut allamiut oqaasiinik ilikkaruarsinnaanerulersarmata. Allassinnaanerup atuarsinnaanerullu taamaalillutik meeraq oqaatsinik allanik ineriartortsisinnaanermut atuiinnarsinnaanermulu ikorfartortarpaat. Meeqqat atuarfiata taamaalilluni maanna tuluttut ilinniartitsisuuusut ajunnginnerpaamik ilinniartitsisorisinnaavai, tassa tuluttut maanna atuuttumi klassimi tuluttut atuartitsineq aallartinneqarpat.

**Akissut apeqqummut uunga: " Ilinniartitsisunik amigaateqarnerput qaangerniarlugu Qallunaat Nunaata avataaniit tikisitsinissaq periarfissaqarnerluni?**

Naalakkersuisut Joint Committeemi sulinermut atatillugu meeqqat atuarfiannut tuluttut ilinniartitsisisussarsiorneq sammisimavaat. Tassani ilinniartitsisoq ilitsoqqussaralugu tuluttut oqaaseqartuusoq illoqarfinni nunaqarfinnilu angalaarpoq suliniullu taanna naggaserlugu naliliiffagalugu nalunaarusistorqarpoq "Angalaarluni tuluttut ilinniartitsisoq".

Naliliilluni nalunaarusiamik pingaernerusumik isummiussaq tassaavoq tuluttut ilinniartitsisoq tuluttut ilitsoqqussaralugu oqaaseqartuusoq suleqatigalugu amerlasoorpassuartigut kinguneqarluartuusoq, atuartullu atuartitsineq pissarsiffagalugulu nuannaarutigigaat.

Atuarfinnili nunanit allanit ilinniartitsisoqarneq arlalitsigut aamma ajornartorsiutitaqarpoq. Ilinniartitsisumut nunamit allameerluni nunatsinnut illoqarfimmut nunaqarfimmulluunniit pilluni sungiussiniarneq angivoq. Kulturikkut, eqqarsartaatsikkut sunngiffimmilu periarfissatigut assigiinngissutsit aporfitt ilagisimavaat.

Kiisalu ulluinnarni suleqatinik suleqateqarnermi ataatsimoorussamik oqaatsit amigaataasimapput kiisalu sunngiffimmi inooqataanermi peqatigiinnerup tungaatigut. Ullumikkut ilinniartitsisutut sulinerup ilagimmagu annertunerusumik suleqatinik, aqutsisunik angajooqqaanillu suleqateqarneq, ilinniartitsisutut sulinermut pingaaruteqqaaq sulisup kalaallisut imaluunniit qallunaatut tuluttulluunniit oqalussinnaanera.

Naggataarutigalugu oqaatigineqarsinnaavoq ungasissumiit ilinniartitsisussarsiortarneq suliaammat annertoorujussusoq. Tassani pingaaruteqaannangilaq ilinniartitsisut pikkorissuunissaq, immikkullu aamma inuttut pigin-naasaqartariaqarpoq Kalaallit Nunaanni illoqarfinni nunaqarfinniluunniit pikkorissutut ilinniartitsisuussagaanni.

Inussiarnersumik inuullaqqusillunga

Mimi Karlsen